

Forskar forbundet ved UiO

NTL ved UiO

Parat ved UiO

Akademikarane ved UiO

Dato: 17.02.2020

Dykkar

ref.:

Vår ref.: 2010/6143 AUDJS

### **Referat frå informasjons- og drøftingsmøte 10.02.2020**

Frå organisasjonane

- Caroline Hals – NTL
- Tina Næss og Helene Amundsen Nissen-Lie – Akademikarane
- Cecilie Wingerei Lilleheil - Forskar forbundet
- Mari Gakkestad – lokalt hovudvernombod

Frå fakultetet:

- Gudleik Grimstad – fakultetsdirektør
- Aud-Jorunn Sandal – referent

Innkallinga vart godkjend.

### **Drøftingssaker**

1. Organisering av fakultet sin økonomi-, personal- og arkivfunksjon  
Sakspapira vart ettersendt

Fakultetsdirektøren gjekk igjennom utviklinga av fakultetsadministrasjonen det siste tiåret fram til dagens organisering. Seksjon for økonomi, arkiv og personal er i dag ein stor seksjon med stor breidde i oppgåvene. Stillinga som seksjonsleiar skal lysast ut og det er ynskjeleg å reindyrke økonomi i stillinga, og skilje ut arkiv og personal frå seksjonen. Desse er tenkt lagt direkte under fakultetsdirektøren. Arkivdrifta ved UiO skal frå 2021 sentraliserast leggjast inn under Seksjon for forvaltning av elektronisk saksbehandling og dokumentasjon. Resterande fire personalrådgjevarar og ein 50 % stilling i stab blir då tilhøyrande fakultetsdirektøren.

Organisasjonane støttar fakultetet i å reindyrke seksjon for økonomi.

Forskar forbundet undrar seg over at ikkje arkiv, personal og stab blir skilt ut som ein eigen HR-



#### **Fakultetsadministrasjonen**

Postadr.: Postboks 1084 Blindern, 0317 Oslo  
Kontoradr.: Eilert Sundts hus 3. et., Moltke Moes vei 31, 0851 Oslo

Telefon: 22 85 62 64  
Telefaks: 22 85 48 25  
postmottak@sv.uio.no  
www.sv.uio.no  
Org.nr.: 971 035 854

seksjon, slik dei har på fleire andre fakultet. Det av seksjonen er liten er ikkje grunn nok til å ikkje ha det, og syner til Seksjon for forsking og kommunikasjon som også er ein liten seksjon. Dei er skeptiske til at ansvaret blir liggjande direkte under fakultetsdirektøren, som allereie har mange oppgåver i si portefølje.

Dei andre organisasjonane er samde i Forskar forbundet sin skepsis, men at dette kan vera ei løysing på kort sikt.

Forskar forbundet meiner det bør koma fram av organisasjonskartet at dette er ei interimsordning, og at ein i 2021 drøftar den vidare organisering av personal og stab, noko dei andre organisasjonane støttar.

Fakultetsdirektøren noterer seg at organiseringa av personal og stab skal takast opp til drøfting i 2021.

## 2. Evaluering av partssamarbeidet til denne dato.

- a. Innkalling og sakspapir
- b. Referat og fakultetsstyrer
- c. Praktisering av former for medbestemmelse (Informasjon, drøfting, forhandling)
- d. Partsforhold i IDF-saker

Dei er nøgde med at referata blir raskt ferdige og blir lagt fram for fakultetsstyret i møte i skriftleg form. Skulle likevel ynskt at IDF-møta vart lagt endå tidlegare slik at styremedlemmane hadde fått anledning til å lesa igjennom referata i god tid før møtet, på linje med dei resterande sakspapira til styremøtet.

Organisasjonane meiner partssamarbeidet er godt. Fakultetet har vore imøtekommende når organisasjonane har meint at saker bør takast opp til drøfting. Forholdet er prega av gjensidig tillit og respekt.

## Informasjonssaker

### A. Byggesaker/dialogmøte med Eigendomsavdelinga

Fakultetsdirektøren går kort igjennom prosjekta ved SV som skal gjennomførast i 2020. Vidare ser ein at masterplanen for UiO i stor grad har fokus på bygningsmassen knytt til Med-/Nat-miljøa og museumsbygga. Sentralt ser dei for seg eit spleislag saman med SV dersom naudsynt oppussing av Eilert Sundts hus skal koma inn i aktivitetsplanen. Einingane ved SV har også meldt inn til fakultetsdirektøren at dei har eit auka arealbehov.

### B. Personalsaker/arbeidsmiljø mm.

Ikkje nye saker sidan førre IDF.

C. Saker til gjensidig orientering

Ingen saker.

Med helsing

Gudleik Grimstad  
fakultetsdirektør

Aud-Jorunn Sandal  
seniorrådgjevar

Dette dokumentet er godkjent elektronisk ved UiO og er derfor ikke signert.

Saksbehandlar:

*Aud-Jorunn Sandal*

+4722858224, [a.j.sandal@sv.uio.no](mailto:a.j.sandal@sv.uio.no)